



7. marts 2017

UPA 2017/166

Inatsisartut suleriaasiat § 33 immikkoortoq 1 naapertorlugu matumuuna inatsisartunut aalajangiiffigisassatut siunnersuut imaattoq saqqummiuppara.

Utoqqarnut immikkut siunnersuisarfimik pilersitsinissamik pisariaqartitsineq periarfissarlu pillugit kingusinnerpaamik 2017-imi kommuninik oqaloqatiginninnissamik Naalakkersuisut peqquneqarnissaat pillugu Inatsisartuni aalajangiiffigisassatut siunnersuut. Kommuninik oqaloqatigiinnerit inernerit iliuuserisassatullu eqqarsaatigisat utoqqaallu siunnersorneqarnerisa patajaallisarneqarnissaanut aningaasaliinissamut periarfissat kingusinnerpaamik UPA 2018-mi allakkatigut Inatsisartunut nalunaarusiarineqassapput.
(Inatsisartunut ilaasortaq Debora Kleist, Inuit Ataqatigiit)

Tunggavilersuut

Kommunet kattussuunnerisa kingunerisaanik ilaatigut kommunet ilaani utoqqarnut siunnersorteqarneq atuukkunnaarsimanera uggornartutut isigigakku, aaqqiivigineqarnissaalu pingaaruteqarpoq.

Ullumikkummi ilisimavarput utoqqartagut inuunertusiartornerat, tamannalu qujanarpoq. Utoqqaallu inuunertusiartornerisa nassatarivaa, nappaatit assigiinngitsut atugaaneruleriartornerat. Tassanilu pingaaruteqarpoq utoqqarnik sullissinermi ileqqussanik/perusinik assigiinngitsunik pitsaasumik siunnersorneqartarnissaq aammalu qanimut susasaqartut peqatigalugit suleqateqarnissaq.

Soorlu kommuneni allani iliuuserineqartut/periuuserineqartut pitsaasut paasisutigineqartarnerisigut, kaammattoqatigiineq, inuummarissuunissarlu pillugit nutaanik ilisimalikanik ilisimatitseqatigiittarsinnaaneq anguneqarsinnaavoq. Siunnersorteqarfiup utoqqarnut siunnersuisarnerup avataatigut siunissaq eqqarsaatigalugu utoqqaat kissaataat pisariaqartitaallu tunggavigalugit sulissaaq, ajornartorsiutaasinaasullu eqqummaariffigalugit. Taakkulu paasisat malillugit Naalakkersuisoqarfimmut nalunaarusiortassalluni.

Utoqqarpassuit immikkut siunnersorneqarnissartik pisariaqartittarpaat, peqqissutsikkut, nerisaqarnermut, timersornermut, utoqqalinersiaqarnermut, ineqarnermut, suliffeqarnermut, toqqissisimanermut allanullu isumaginninnikkut aningaasaqarnermullu tunggasunik.

Tassa utoqqaap pisortanut attaveqarnissaminut attaveqarfissaa ikiortissaa saaffissaalu. Siunnersuisarfiullu pisortanut saaffiginnissutaasussanut utoqqaq ikiussavaa innersuussisarlungilu.

Pisorta qarfinnut aningaasaqarnikkut allaffisornikkullu kingunissat

Pilersaarusiornermut ilaassapput tusarniaaneriit aamma kommunit oqaloqatigineri. Sulinerup annertussusissaa sivisussusissaalu naatsorsuutigineqassaaq AC Fuldmægtigep ukiup affaata nalinganik, tassa 250.000 kr.

Aningaasaqarnikkut allaffisornikkullu inuussutissarsiortunut namminersortunut kingunissai

Soqanngilaq

Aningaasaqarnikkut allaffisornikkullu innuttaasunut kingunissai

Soqanngilaq